

hiscæ quinque aliis incompletis, fiunt hoc ipso decem, & novem anni, sed non exacti. Corrigendus est autem Comineus, qui in spelunca, seu rupe illa, scripsit, per triginta & unum annum Franciscum mansisse; sed de hoc in Dissert. 1. fufius.

VI. NISI HERBAS CRUDAS ) Testis I 17. Processus Episcopi Ambianen; Nobilis Antonius de Figlina Calaber deponit, se à quam plurimis fide, & testimonio dignissimis accepisse præfatum de Paula loca deserta petiisse, in quibus subtus non parvum rochum quamdam speluncam, per longum temporis intervallum, Mundanos, & eorum confabulationes summoperè aspernando, suum quoque corpus omnimodis herbarum comestionibus macerando, habitavit. In ejus Officio recitat Ecclesia, quod victu asperam, sed meditationibus Cœlestibus suavem vitam in deserto duxit.

VII. CAEPIT AEDIFICARE PRIMUM CONVENTUM PAULAE ) Videtur his verbis post parvæ Cappellæ cum tribus Cellis mentionem, statim subjungi Ecclesiam, cui Pyrrus primum lapidem posuit, absque eo quod majoris Oratorii memoriam faciat, quod S. Francisco de Assisio consulente, & adhortante, constructum est. Sed Giry in laudata Chronologica Dissertatione cap. 11. ad hanc objectionem respondet, sic Scriptorem nostrum loqui, non quod assertam ædificiorum successione in inficiari velit, sed quod compendio Scriptoribus historiarum, tam sacris, quam profanis satis usitato, utatur. At de hoc iterum in Dissert. 8. fufiusque loquemur.

VIII. BONUS EPISCOPUS CONSENTINUS ) Duo fuerunt Sancti Viri temporibus Consentini Archiepiscopi ex Nobili Caracciolorum de Pisquitio gente progeniti, ambo Francisci rebus apprimè propensi. Berardus, vel ut alii malunt, Berardinus Caraccioli fuit primus, anno 1424.